



Fundacion Prensa Uni di ABC

ARUBA, BONAIRE Y CORSOW

HISTORIA

E idea di bin cu un fundacion asina a surgi despues cu a ser celebra dia 1 di september 2006, Dia di Prensa, un evento riba calidad periodistico halto cu a conta cu presencia di varios orador, y un grupo grandi di invitado di e gremio periodistico Arubano (radio, corant, television) cu a manifesta nan interes pa realisa regularmente actividadnan formativo di caliber pa e periodistanan.

Un di e oradornan invita tabata e periodista Antiyano residencia na Corsow, sr. Orlando Cuares, cu nos ta considera un mentor, y kende a bin cu e iniciativa tambe di expande e bon idea aki entre e tres islanan: Aruba, Corsow y Bonaire pa stimula e capacitacion periodistico, hisa e nivel profesional di nos periodistanan y stimula e integracion di e periodistanan den nos region.

OBHETIVO GENERAL

Fundacion "Prensa Uni ABC" ta un fundacion cu a wordo crea pa duna formacion y capacitacion pa tur esnan dedica na e actividad periodistico inicialmente na Aruba, Corsow y Bonaire, cu e posibilidad cu e lo expande den nos region Caribense.

E fundacion aki ta ser defini como un institucion regional na fabor di e desaroyo profesional di e periodistanan na Aruba, Corsow y Bonaire.

E ta bira tambe dor di nan actividad formativo/recreativo un escenario pa intercambio di experiencia, ideanan y integracion entre coleganan di e tres islanan menciona ariba.

E proyecto central di e fundacion aki ta pa organisa y promove conferencia, seminario, symposio y workshop cu ayudo di institucionnan periodistico di Merca, Latino America y Hulanda, y profesionalnan cu experiencia y conocimiento riba e tereno aki.

Nos ta spera cu e mayoria di persona dedica na e actividad periodistico den nos region lo por saca provecho di tur actividad cu e fundacion aki lo realisa durante su existencia. Capacitacion ta e clave pa hisa nos nivel di calidad periodistico den nos region.

AGENDA DI TOPICONAN

E conferencianan, seminarionan, symposionan y workshop organisa pa nos fundacion lo ta dirigi pa periodista, reportero, editor y directornan riba e siguiente liña conceptual:

Tecnica basico di relato periodistico (Investigacion, reportahe, narracion, edicion, fotografia, camarografia, etc...). Nan aplicacion segun e generonan periodistico (reportahe, cronica, articulo di opinion etc...) y tipo di medionan di comunicacion, esta corant (revista), television, radio y internet).

Etica periodistico y e problematicanan cu e ehercicio di e profesion di periodismo por trece cune den nos region, specialmente den aspecto como libertad di prensa y responsabilidad social/periodistico, tambe lo forma parti di nos agenda. Ademas di topiconan relaciona cu specialidad periodistico p.e periodismo politico, hudicial, investigativo, internacional, cultural, deportivo, economico y di negoshi, etc...

METODOLOGIA

Nos fundacion lo organisa conferencia, seminario, simposio y workshop pa periodistanan (reportero) bou e guia profesional di periodistanan cu experiencia amplio.

Lo organisa workshop cu ehercicio practico riba un topico specifico. Lo tin ehercicio practico riba reporteria, redaccion y edicion. Analisis di casonan, debate profesional, revision critico di publicacion di e participantenan, y presentacion cu lo stimula e intercambio di experiencia profesional y personal.

Ademas di training riba tecnica y genero periodistico, y actualisacion informativo riba topiconan specifico. Lo organisa seminario/tayer di (1) pa dos (2) dia. Lo duna certificado di asistencia na final di cada seminario/tayer cu nos fundacion ta organisa.

DANKI PA BOSO APOYO!